

Petikan dari Kitab Zabur Surah 41.

Untuk pemimpin muzik. Mazmur Daud.

¹Diberkatilah orang yang mengambil berat terhadap orang miskin;

TUHAN akan menyelamatkannya pada waktu kesusahan.

²TUHAN akan memeliharanya dan melindungi nyawanya;

dan dia akan diberkati di atas bumi

Engkau tidak akan menyerahkannya ke tangan musuhnya.

³ TUHAN akan memberinya kekuatan ketika dia terbaring sakit

Engkau akan memelihara dan memulihkannya.

⁴ Aku berkata, 'Ya TUHAN, kasihanilah aku;

pulihkan jiwaku, kerana aku telah berdosa kepada-Mu.'

⁵ Musuhku menuturkan kata-kata yang buruk tentangku,

'Bilakah dia akan mati dan namanya lenyap?'

⁶ Dan jika dia datang menziarahiku,

dia berdusta, hatinya mengumpul kejahatan;

dan apabila dia pergi, dia menyebarkannya.

⁷ Semua yang membenciku berbisik dan berpakat menentangku;

mereka merancang untuk mencederakan aku.

⁸ 'Penyakit yang keji,' kata mereka, 'telah menyimpana;

sekarang dia terlantar dan tidak akan bangun lagi.'

⁹ Sampaikan sahabat karibku yang kupercayai,

yang makan bersama di rumahku,

telah berpaling menentangku.

¹⁰ Tetapi Engkau, Ya TUHAN, kasihanilah aku;

dan pulihkan aku, supaya dapat kubalas perbuatan mereka.

¹¹ Dengan demikian tahulah aku bahawa Engkau berkenan kepadaku,

apabila musuhku tidak Kaubiarkan mengalahkanku.

12 Dan Engkau menegakkan aku dalam keikhlasanku

dan meletakkan aku di hadirat-Mu selama-lamanya.

13 Segala puji bagi TUHAN, Allah Tuhan Israel,

yang tiada permulaan dan tiada kesudahan selama-lamanya.

Amin, Amin.